

DISPUTATIO INAUGURALIS MEDICA
De
MIICTIONE
PULTACEA,

Quam
AUSPICE SUMMO
Decreto & Autoritate
Incluti Medicorum Ordinis
In Perantiqua hac Universitate

EBERHARDINA.

PRÆSIDE

EXCELLENTISSIMO,

DN. ELIA RUDOLPHO

CAMERARIO,

Philos. & Med. D. & P. P. Ordinario, Sereniss. Ducum
Würtemb. Archiatro.

Pro

LICENTIA

&

Summis in Medicina Doctoralibus Privi-
legiis ritè consequendis.

Publico ac Solenni subicit Examini

H. L^q S.

GEORGIUS FRIDERICUS CELLIUS, Eßling.

Ad Diem Novembr.

TUBINGÆ, Typis JOHANN-HENRICI REISL, ANNO 1683.

BIGÆ PATRONORUM
PARENTIS INSTAR SANCTE
COLENDORUM.

U I R I S
MUNERUM AMPLITUDE.
MERITORUM GLORIA.
PATROCINII LIBERALITATE.

75804

Conspicuis.

DN. JOANNI GRAVIO,
Jcto Consummatissimo, Juris Cano-
nici ac Praxeos Profefs. & Antecessori
in Academia Tubing. Celebratissimo.

DN. ELIA RUDOLPHO
CAMERARIO, Med. D. ac P. P.
in laudata Academia Excellentissimo
Seren. DUCUM Wirtemb. Archia-
tro ac Consiliario longè Meritissimo.



Patronis, Affini, Mæcenatibus, Præceptoribus
ad halitum usque ultimum omni observantia Cultum
prosequendis.

HOC SPECIMEN INAUGURALE MEDICUM
In grati animi monumentum

&

Ulterioris Patrocinii Incitamentum

Sacrum esse jubet

GEORGIVS FRIDERICHVS CELLIVS



Casus Mictionis Pultaceæ.

Vergit ad Quinquennium, cum tempore Hyemali vocaretur *Medicus* Rus ad *Virum* 64. annorum, Stemmate Antiquo Nobilem, Temperamenti Sanguineo Pituitosi, in Juventute castra secutum, in Diæta tum genio indulgentem, nunc eundem refrænantem, tum laboribus defatigatum, nunc quieti deditum, tum curarum expertem, nunc iisdem nimis maceratum, *Qui* ostendit anxius *Medico* urinam sedimento copioso, ut hoc dimidium & ultra repleret matulæ spatium, albo, viscido, lento, pultis ferè consistentia scatentem, pallescentem, crassiore, conquere, ante octiduum cum levi ardore tale primùm exire coëpisse sedimentum, nunc crescente ipsius quantitate, augeri malum, ut cum summo cruciatu, ineffabili dolore, & ardore urgentissimo, ad sudorem usque, frigidum profluat urina, cui confusum primùm sit, post brevi coëat ac subsideat hæc calcea Puls, ab emissionem ista, horæ uno vel dimidio quadrante elapso, dolorem cessare, nihilque molesti, lassitudine, cruciatuum sobole excepta, remanere. Dum agitare *Medicus* matulam, dividendo Pultem istam, mox iterum se collegit illa; Curiosè dum scrutaretur reliqua ad cognoscendum & curandum affectum necessaria, præter levem Anorexiam hætenus & nunc p. n. Ægrum nihil sentire, Patrem Podagricum Nephriticum habuisse, vinum non valdè generosum ordinario haurire potu responsum tulit.

Iit. Præscripsit *medicamenta*, & cùm per 3. aut 4. adhuc septimanarum spatium duraret ista torquens mictio, continuanda suasit; unde dictus dolor cum sedimento aliquantum imminui cœpit, superveniente Arthritide, pedes, brachia, manus infestante, cum tumore valde insigni, dolore mediocri, cui cùm etiam suos opponeret *Medicus* arietes, intra octiduum & hæc intumescencia cum sedimento & acrimonia cessavit. *Nobilis* autem ab omnibus istis hætenus liber vixit.

Medicamenta præscripta fuerant: Primò Potio Leniens ex decoct. fol. sen. ss. ʒij. sem. anis. crem. tartari rad. liquir. ana ʒss. & Elect. diacass. cum mann. ʒx. Mixtur. ex aq. contra ardor. urinæ Myns. ʒiij. & malv. ʒi. Syr. de Alth. Fern. ʒj. sæpius repetit: Pòst juscula nasturt. aquat. ꝛcc. rad. Alth. liquir. & sem. malv. alterata; & Emulsionēs ex sem. 4. frig. exc. pap. alb. malv. & amygd. d. modò cum aqua malv. frag. petros. modò cum aq. font. in qua crusta panis tosta maduit, paratæ, per integrum istud tempus intersperso usu pil. ex Extr. spec. diatr. santal. ʒj. & Tereb. Venet. ʒj. pro dos. ʒß. Nonnunq. Triagæa ex flaved. corr. arant. ligno sassafr. tunic. ventr. gall. Ebor. preparat. & Sacch. Contra Arthritidem. R. Lumbric. terr. preparat. Diaphor. ʒ. succin. preparat. C. C. phil. calc. ana ʒij. Sem. aquil. ʒij. M. F. pulv. divid. in 12. dos. æq. mane & vesperi. Pil. noctu deglutiend. & Extr. papav. err. ʒj. Extr. bezoard. Præsid. ʒß. Bezoard. miner. Cinab. nat. ana gr. v. M. F. Pil. pond. gran. dos viii. ix. x. Externè nuchæ & spinæ inunct. ol. lumbric. & pingued. viper. Ital. Interdictum in Dieta omnibus acribus, vino acido; Potus ordinarius ex Hord. ras. Ebor. & sem. fœnic. fuit.

RESOLUTIO.

THESIS I.

Quale signum in morbis præbeat Urina, tribus abhinc & quod excurrit, annis, publicè exposui, & Commilitonum ventilationi subjeci. Nunc, cùm *Inaugurale* ac *Publicum Specimen*, *Disputatione Solenni* edendum Decreto *Amplissimi Medicorum Hujus Academiæ Ordinis* mihi incumbit, *Urinae* sive *Missionis Pultaceæ* Casum, si in genere spectes, frequentem, si causam illius in specie consideres, oppidò rarum resolvere & Publico Examine submittere lubuit, versato jam per aliquod tempus in Practico, quà tales Casus, manu ducente privatim *Excell. Dn. Præsides*, Exercitio. Tu, *Summe Archiater*, nostris adsis conatibus, Tu, *Tua nobis assiste Gratia*.

II. In Verbi, *Mitio*, Anatomia, subtilis aut prolixus non ero, quid enim dicat, notum. *Pultaceam* hanc nostram dixi, quia pulvem, ex farina alba cum lacte sive aqua subactam ac paratam, quà contentum, potissimum refert. Eodem nomine insignire amat *Timæus Cas. med. l. 3. cas. 43.* Urina enim hîc excreta fuit alba, sed non perspicua, ceu sæpiùs *Hippocrates* & *Celsus* describunt, verùm opaca, crassa. Vocari solet à *Vulgo*, ut *Drawiz. de Scorbut. pag. 377.* scribit, *Bieber* / ac si castor in vesica omnia circumvolvens urinam turbaret, semper & incrasfaret. Urina autem talis alba, crassa, lenta, ob tales moleculas cum sero confusas redditur; *Willis. de Urina cap. 4.* dicit: *Restat Urinae species quædam altera, citrina, pallidior, minimè tenuis, verum crassa & opaca, atq; coloris subalbidi*; Communi observatione constat sæpè pueros talem excernere, cum viscera eorum lumbricis scatent, cujus ratio videtur, quia materia ex qua fiunt lumbrici, est viscida quædam pituita, ob chyli indigestionem & *νεοπλαστικὸς* defectum, in visceribus congesta, quæ primo nullam *Urinae Tincturam* transmittit, ob materiae fixitatem; Postea eadem materia putrescens exaltatur, & aliquo modo volatilifatur; atq; tunc partim calore, & spiritu in lumbricos efformatur, ac partim

A 2

chylo.

chylotranseunti confusa, ac in vasa delata, cum sit nutritui in idonea, cum sero à cruore secernitur, & Urina permista, colorem album ipsi conciliat; quandoq; etiam in febribus, præcipuè puerorum Urina albicant; Cujus ratio est, quia succi nutritii supplementum, è chylo cruoris massæ suffusum, non ritè assimilatur, sed in humorem excrementitium degenerat: Cujus portio sero incocta, ei consistentiam crassiorem & colorem lacteum impertit: Secus ac in adultorum febribus, ubi, cum calor sit fortior, ejusmodi succi degeneris adventus colorem rubicundum sero imprimit: Item: Urina albescent, in Fluore albo, Gonorrhœa, Ulceribus Renum, Vesicæ & Meatus Urinarii, ob saniei aut seminis corrupti confusione; utcunq; sit color Urinæ albus ab ejus contentis producitur. Contenta non hæc solum, sed & alia varia, quæ liquori Urinario permisceri, ac lentum candorem inducere, contento crasso albo materiam præbere solent, nunc perpendam; & Nostro applicabo Casui.

III. Est ex Illorum Ordine *Sputum*, illud nimirum serum, illa saliva viscidior, spissior, copiosior excrementitia è vasis lymphaticis & glandulosis faucium, palati, Oris spongiis, etiam pulmonibus transudans, exstillans, exscreatione, spuitione educi solitum; In sputatore enim uno vel altero pro spleneticis, vulgari voto, habitis sputationem subito cessasse, Urinam verò sedimentum mucosum sputo per omnia simile monstrasse, & è contra tale sedimentum à copiosissima expuitione evanuisse, *Excell. Dn. Præses* retulit. E nostra autem hîc descripta Urina hanc causam abesse jubet sputatio neque prægressa neq; subsecuta.

IV. Est ex dicta classe *Chylus*, ille in ventriculo & intestinis elaboratus succus, copia solum peccans, in pueris, & adultis voracibus, est, cum non debite subactus, est, cum corruptus cum Urina educitur. Per varias aliàs vias chylus nonnunquam excernitur. Ex *venis* brachii sectis prodiisse *Thom. Barthol. de lact. thor. cap. 13.* & *Rayger. Ephem. German. Anno 6. § 7. obs. 214.* testantur. E Rustici vena loco sanguinis libras aliquot materiæ muco narium similis, subpinguis albicantis, ne unicam verò sanguinis guttulam prodiisse, refrigeratam istam ferè concretam fuisse, & à *Modernis* pro chylo agnosci refert *Rollius de fluore*

*fluore albo mulierum cap. 4. vid. Petrus Guiffart. de Cord. Offic. cap. 7. E Religiosi cujusdam ord. S. Dominici vena pro sanguine educendo, ob capitis vertiginem & præcordiorum angustiam se-
cta, effluxisse loco sanguinis tribus exceptum receptaculis lac quasi
verissimum recens emulctum, colore, consistentia externa, specie
lac bubulum referens narrat Physicus Gedanensis Job. Schmidt
Ephem. Germ. Anno 3. obs. 123. In Scholio illud lac chylum fu-
isse nullam adhuc mutationem expertum præsupponit, in causas
ibidem sollicitè inquirens, & hunc succum à sanguine albedinem
lactis referente, è vena educto, quod Borellus cent. obs. 25. nota-
vit, & ab albo glutinoso in modum pituitæ, sanguine, quem V.
S. à Prævotio observata effluentem describit Rhod. cent. 1. obs.
36. distinguens. Ex venis eductum cruorem cremoris specie Pa-
risiis Acta Phil. Anglica anni 1665. Mens. Novembr. & Oxo-
niæ von Hammén de Herniis pag. 22. notant. Scarificatione itidem
eductum chylum narrat Grass. Ephem. G. Anno 9. & 10. obs. 65.
Cum lochiis sub humoris albicantis forma excerni, non raro obser-
vatur, inquit Birnbaum de lact. defectu §. 8.*

V. Per *alvum* excerni solet, cum Panni istius intestino-
rum carnei orificia, lacteorum vasorum oscilla obturata, obstru-
cta, ab humore pituitoso viscido, vel, ut Sylvius *prax. med. l.*
1. cap. 16. & Alii statuunt, post abrasam hinc inde per dysen-
tericos fluxus, crustam carneam cicatrice obducta sunt, cum glan-
dulæ mesenterii ex quacunque causa obstructæ sunt, cum liquor
in iis generatus nimia aciditate chylum in caseosam verti sub-
stantiam chylo succedenti transitum denegantem. In infantibus,
ubi talis intestinorum incrustatio, lacteorum obstructio, & glan-
dularum mesaraicarum infarctus adest, nutrimentum via denega-
ta, totius corporis tabes, accedente simul ut plurimum alvo la-
xiore, sequitur. Riverius *med. pract. lib. 1. cap. 4.* in Pueris
glandulas innumeras talis chylosi fluxus causam marasimum in-
ducentem memorat. Filiolus Dn. Caroli à Pflug febris inordi-
nata, cum materiæ albæ permixtione, & subsequenti macie insi-
gni diu & per aliquot menses vexatus erat, ita, ut omnidiligen-
tiâ licet adhibitâ, æger vix ossibus hæreret, vix præter animam
residui quicquam haberet, vivæ morris imago esset & delicatam,

adhuc animam ob morbi vehementiam tandem efflaret. *Nobilissimi Parentes* suspicati sunt, morbum filioli per fascinum introductum esse; ut autem amplius ancipiti cura non distraherentur, extinctus filius aciei cultri anatomici subiciebatur, ubi offenditur monstrosa hepatis magnitudo, Lien puncticulis tartareis refertus, ut describit *Bierling. Ephem. Germ. anno 2. obs. 152.* tandem subjungens: Glandulæ per totum mesenterium dispersæ scirrhusæ inveniebantur causæque mortis manifestè conspiciebantur. *Pecquetus de thor. lact. dissert. Anat. Exper. 1. pag. 109.* cum *Riolano Patre in pecul. sanandi methodo cap. 48.* chylosam diarrhæam, qua scilicet mixtim cum recrementis excernitur chylus, ex obstructo mesenterio deducit. Ab obstructis orificiis vasorum, quibus absportari debet chylus, fluxum chylosum oriri etiam tradit *Glisson. de ventriculo & intest. tract. poster. cap. 20. §. 28.* Receptaculum autem chyli, quin aliquando à *Vett.* pro abscessu mesenterii habitum fuerit, non dubito. Ubi autem chylus per alvum excernitur, *Cœliacus*, ut notum vocatur, fluxus, in quo chylus consentientibus Practicis sed modò solus, modò permixtus, modò integer, modò corruptus egeritur.

VI. Ex materiæ effluentis facie & colore, quo ptisanæ cremorem refert, ex sana mulierum, præsertim virginum, multos annos fluxu albo innoxie laborantium constitutione, ex *Hæchstett. observat. decad. 4. cas. 1. Schol. Augustanis* gravioribus & parvis puellis & puellulis, virginibus & uxoribus frequentem fluorem album esse tradente, ex augente fluxus albos victu immoderato, imminuente tenuiori, ex subsequenti diuturnam durationem macie, moti *Quidam* fluorem album muliebrem, Gonorrhæam, Cœliacam, Vomitum album, Urinas lacteas & Sparganosin hujus ad fluxus chylosos referunt, omnium dictorum fluxuum materiam statuantes chylum abundantem, ex accidenti autem hoc habere, ut pituitæ aliorumque humorum aliquid se admisceat, imo *Klugius de fluxu chyli §. 6.* dicit. *Non absurdum est, sudorem statuere lacteum; Quod enim in sudore nonnunquam pituitosum viscidumque in cute apparuit, quidni chylosum statui possit?* *Grass.* rarum lactis sed improprie, ut vult, dicendi effluxum ex femore copiosum, aut chylum p. n. exsudentem,

tem, aut succum nutritium per nervos excretum esse conjecturam fovet. *Ephem. Germ. anno 9. & 10. obs. 66.* Et dubio procul chylus corruptus in pueris verminosis Urinam albo opaco tingit colore. Mictionem Urinæ albæ cum sedimento instar cretæ albo non sine molestia corporisque atrophia chylosam vocat *Curiosissimus Mœllenbrocc. Ephem. Germ. anno 1. obs. 89.* istiusque causam chylum in corpore cacochymico ob abundantiam salium sylvestrium acrimoniam contrahentem, non, quod *Alii* volunt, materiam alimenti terrestris sulphure non imprægnatam censet.

VII. Cùm Ergò per tam varias chylus effluere soleat vias, quidni & per Urinarias vehi seroque confundi possit? In Viis autem ad Urinarios ductus chylo sternendis dum occupantur *Authores*, occurrunt tot observationes, insignia corpora solida, animata, inanimata, naturalia, artificialia, mineralia, vegetabilia, animalia deglutita per vesicam reddita fuisse, in memoriam revocantur celer vini, cerevisiæ, acidularum transitus, color & odor affumentorum in emingi solitis, hinc varias formant vias. *Thom. Barthol. Mæbius, Everhardus, Schneid. Möllenbrocc. Niloë, van der Cruyce, Horne, Tillingius, Scaramuccius* & cum *His Alii* ordinaria hinc ponunt lactea vasa; quæ tamen negant *Alii*, inter quos potissimum *Warthonus*; Mosch, sua rorifera *Bilsius*, lymphatica assignant. *Tillingius, Fairfax & Buserius Gallus*; Hæc tn. Urinariis partibus adferre *Triga Virorum hodiè Celeberr. L. Schræck. Junior, Peyerrus* & *de Muralto* dubitant *Eph. G. Curios. decur. 2. anno 1. Schol. ad obs. 142.* Hepar, Lien, huic etiam destinantur negotio; Exugere renes ex intestinis *Martini* vult, membranosa & nervosa transmeacula derivat *Hobokenius*. In Anatomia à D. *Gariep* instituta notavit *Vesensfeld* ductus ab intestino cæco deorsum ad vesicam vergentes, quorum ductuum frequentiore & certam observationem desiderat *Albrecht Eph. G. anno cit. obs. 78.* Desiderantur pariter ureteres succenturiati breviores à ventriculo ad vesicam, quos *Andree* se reperisse dicit; è ventriculo per omentum, subtilissimos, licet latentes, meatus, recta ad vesicam, tendentes deducit *Celeb. Volcamerus*. Laudatus *Schræck.* cum raræ ante allegatæ observationi, qua *Job. Reinald. Bonajutus* è Laici Capucini Vesica flagri funiculum insignem probabiliter deglutitum extraxit, Scholion subjungeret, proba-

probabile videri dicit, omnia in ejusmodi casibus p. n. fieri & non sine violenta partium disruptione aut penetratione corpora solida ad vesicam pervenire & non solum hîc sed, & in aliis partibus id præstare Naturam ex *Tulpio*, *Moinichen*, *Roderico à Castro*, & *Paræo* monstrat, subjungens egregium de his locum ex *Famiger. Dn. D. Grommann/tract. de fascinat. l. 3. p. 6. cap. 16.* Sæpius vias novit Natura, quas non quivis statim perspicit, *Roderic. à Castro, quæ ex quibus, l. 3. cap. 2. § 3.* scribit: Metastasis sive humoris in morbis transmissio, non solum per vias manifestas, sed etiam per occultas fit. Incognitas, intelligit, nobis, Naturæ verò cognitæ. Celer transitus cum ordinariis per arterias viis videtur adhuc stare posse, cum non solum ad Urinarias vias, sed etiam ad cutem, ad partes tam internas quam externas celerrimè quasdam ciborum particulas mutatas tamen vehi, alteratio mox à cibo sumto superveniens, quod vel soli scabiosi docent, monstret. Particulares vias *Zypæus* dicit se non omninò rejicere, sed detegendas sperare, usque dum autem detegantur, plausibiliter posse sustineri viam sanguinis, *Fundam. Med. part. 3. cap. 3. art. 18. §. 6.* In Hoc Nobili solum prodiisse cum Urina *chylum* ego non censeo; nam cur alius coctionis sordes non etiam adfuissent, quî tanta chyli copia excerni potuisset absque virium jactura, absque corporis tabe; Habitus enim corporis decrementum, colorem faciei pallidiorem & inertiam quandam ad studia & severiores sive meditationes sive lectiones pro argumentis profluvium chylosum probantibus adducit *Clariss. Wepferus, magno Wepfero dignus Filius, de Fluxu Cœliaco thes. 1.* nam dolorem induxit, quod chylus solum abundans non facit. Tam malæ itidem concoctionis signa non adsunt, quo in casu à chylo contentorum Urinæ originem repetendam non esse *Barthol. ad Horst.* scribit *Act. Hafn. Volum. 5. obs. 2.* Symptomata etiam nonnunquam talem Urinam comitari solita abfuerunt; sic, de qua *Cnæfeliuss Eph. G. anno 4. § 5. obs. 53.* scribit, urina crassa alba filosa, vigilias primò, maciem, post tumorem pedum junctum habuit. Solum *chylum*, dixi; nam suum etiam huc contulisse symbolum *chylum* corruptum unà cum aliis ex seqq. patebit.

VIII. Huc etiam refertur, *Succus Nutritivus nervinus*, quem ordinaria via per nervos partibus pro ipsarum nutritione affluere, p. n. hic ibi excerni & cum Urina educum ipsam tingere *Celebres quidam* hodie *Medici* statuunt. At succus ille nutritivus receptus in Oeconomiam corporis nostri, in civitatem humanam, cooptatus nondum est.

IX. Tingit & Urinam *Lac*, quod per vesicam & uterum mulieribus copiosè expurgari apud *Schenck. lib. 2. obs. 285. Capellus & Bauhin. Highmor. disquis. Anat. lib. 2. part. 1. cap. 2.* testantur, & fieri, sed rarius consentit *Barthol. Anat. reform. lib. 2. cap. 1. & de Lacteis Thor. cap. 10. Andr. Laur. in Anat. f. 102. & f. 221.* parum ante partum, ait, nonnunquam mulieribus contingere, ut loco Urinæ emittant *Lac*, ubi sc. propter sanguinis affluentis copiam mammæ turgent & plus recipere non possunt, refluat sanguis jam jam in *Lac* conversus & in via non nihil alteratus per certas venas ad uterum & vesicam: quomodo autem hoc fiat, & quales illæ sint venæ, ulterius non explicat: Sunt verba *Hæferi Herculi. Medici lib. 7. cap. 3.* Vias, ab *Authoribus* indigitatas, monstrat *Celeberrimus Acad. antiquissimæ Heidelberg. Professor Dn. D. Francus in Satyra Medica de triplici lacte Virginis §. 60.* Ex aliis etiam locis p. n. profluere solet, sic ex brachio fœminæ mammarum cancro laborantis non pus sed lac aut certè serum lacti similem profluxisse observavit *Celeberrimus Borrich. Actorum Hafn. Vol. 2. obs. 83.* Nostri ægri Sexus *Lac* Urinam non tinxisse dicit.

X. Commiscetur quoque *Mucus vesicæ* limosus, glandularum soboles, interiorum ejus tunicam quasi incrustans & contra quasvis præsertim acrimonie Urinæ injurias muniens, qui ob varias causas, calculum, medicamenta etiam nimium Lithontriptica, vehementiora, acriora diuretica, abrasus cum excernitur Urinam albedine lenta inficere valet. Hic quandam ejus portionem reliquis junctam non negaverim.

XI. Conspicitur album Urinæ contentum in Ægris quibusdam, quæ *sanguis* est *Laxus nimis*, consistentia debita destitutus, cujus fibræ dissolutæ in tenuissimam pulpam quasi redactæ sunt, qualis materia, licet inter rarioros casus sit, in malignis febribus hic

vel ibi & cum Urina etiam educi solet. Quò forsan referenda illa, quæ *Hippocr. Coac. pranot.* 580. dicit: Perniciosa Urina est in acutis, quæ grandinem refert & genituræ similis effunditur doloremque exhibet. At nulla hic febris, nulla talem sanguinis colligationem necessariò insequentia symptomata fuerunt.

XII. In Urina albicante apparet Semen, Virorum, rarò propriè ita dictum, frequentius liquor urethram & glandem humectare solens, solus aut cum isto junctus, in se non magis semen, quam Pater qui patrare nequit; Mulierum, rarò humor ille ovarum sive vesicularum, frequentius liquor ille genitalis sive seminalis glandulorum vaginæ corporum soboles; semen, quod modò cum, modò sine dolore, modò cum, modò sine voluptate, modò tenso, modò laxo in viris membro effluit, in vigilantibus, dormientibus, Epilepticis, alvum deicientibus, à venere irritatis & non irritatis, sine, cum coitu in Gonorrhæa simplici & venerea extillat. A purgantibus sub alvi induratissimæ excretionis & mares & fœminas cum & sine delectatione excrevisseliquida è genitalibus singularia quædam recenset *Celeb. Ludovici Eph. G. anno 9. § 10. obs. 156.* Non tamen illorum consentio sententiæ, qui istum copiosum humorem in Gonorrhæa præsertim virulenta, cum salaces juvenes à prostibulis numisma venereum pro auro permutant, excerni solitum, pro semine habent cum totius M. sanguineæ soboles sive ipsius sive partium seminalium vitio infecta sit, quod copia, odor, color, diurnitas probant; Et in tali casu, semen, humores corrupti, & pus ab invicem probè discerni debent. *Lang. Epistol. Medic. l. 2. Epistol. 5.* inquit: Hoc te admonitum quoque velim, Hippocr. hanc viscidam & putridam & aquosam humorum colluviem, cum per universos genitalis seminis meatus ad pudenda deferatur, ac ob id cum momento seminis crudi excernatur, hanc semen quoque aut menstrua pituitosa passim appellare. Quis obsecro credere potest, hanc esse verum prolificæ genituræ semen? cum illius excretio annum aut quinquennium illæso vitali robore, durare possit? *Heer obs. l. 1. obs. 18.* monet: Notent juniores Medici, à paucis enim observatum invenio, Semen, pus, pituitam, etsi sæpè eodem candore in Urina se exhibeant, facile tamen à perito ita discerni;

ni; semen ab aliis separatum circa summa natat constanter nec fidit agitatum, ne quidem in Gonorrhœa: pur & pituita fundum petunt, sed ad minimum motum pur omninò dissilit, ut visum penè fugiat, Urinamque galactoidem exhibet. Pituita gyratur: puri formia partim dissiliunt, partim rotantur, &c. Semen hic non fuit, quod cum Urina excernebatur, albicans enim illud subsidit, cum semen supernatare soleat Urinæ, cui in pollutione nocturna aut Gonorrhœa commiscetur, etiam agitatum, nisi ex parte in Gonorrhœa virulenta, in qua fœtor adest puris emissi, & si aliquandiu duravit, livor accedit, ne dicam nulla alia Luis Veneræ deprehensa hic fuisse signa. Et unde tanta copia, quò tandem ejus tanta excretio duxisset, si fuisset semen?

XIII. Albedinem Urinæ inducit Pituita; ubi non intelligo pituitam seu phlegma, quod ut *Avicenn.* dicit *Fen. 1. doctr. 4. cap. 1. Naturale*, quod aptum est, ut in aliquo tempore fiat sanguis, quoniam est sanguis non plenè coctus & est quidam modus dulcis phlegmatis, quod non valdè existit frigidum, imò, corporis comparatione est frigiditatis pauca, sanguinis verò & cholerae rubrae est frigidum. De quo *Fernel. de funct. & humor. l. 6. c. 4.* Pituita supervacua censeri non debet, cum sit ad nutriendum apta; neque præterea muco mananti è naribus, neque ei lente crassæque pituitæ similis est, quam in ventre & intestinis necessario gigni perhibent. Non, inquam, illam intelligo quam adducunt quidam *Authores* crudiores chylosiores sanguinis partem in ipsum adhuc mutabilem, nondum enim res penitus expedita est, an ista pituitæ nomen sustineat, sed p. n. genitas in sanguine hærentes, minùs activas, minùs volatiles, torpidas, inertes, crassas, viscidas, crudas, nutritioni ineptas particulas; crudum sanguinis, quod quia spiritibus sufficientibus destituitur, à reliquo sanguine solvitur, *δακρυϊοει* vel *δακρυϊοει* vocabulis Hippocraticis, serū viscidum, spissum, lentum, saporis per se expers, unde non tam pituitæ, si vulgarem sequimur nominis significationem, quàm seri nomen ponendum fuisse videtur in verbis *Marci Marci de natura Urinæ* pag. 100. Pituita si dicitur, addere oportet, qualis naturæ sit illa pituita, an videlicet habeat in se Tincturas (natura humanâ potētiores) acres, ponticas, acerbæ, stipticas, & s. acidæ, amaræ,

sulphureas, bituminosas &c. *Henricus Martini Anat. Urinae Gal. spagyr. c. 5. dicit: Omnis pituita resoluta Urinam reddit Glaucam non crassam, sicut omne phlegma liquefactum Urinam reddit albam lacti acetoso similem. Quæ autem incrassata est à frigiditate pituita, si illa sit humor crudus, à remissiore frigiditate ortus, Urinam reddit lacteam & crassam instar fungi; si pituita mucosa, distindè frigida dicta, Glaucam & mucosam. Si pituita vitrea sive Albuminea, quæ minus crassior sed magis lenta, à majori sc. frigiditate crassam, & pellucidam, si sc. æqualiter fundatur, aliàs crassam genituræ similem. Serum viscidius spissius Nostro in Casu inter alia adfuit, ut dicam infra, sed hoc nondum omnem absolvit paginam.*

XIV. Apparet non rarò in Urina Pus, quod non solum in hepatis Abscessu, Pleuritide, Phrenitide, Angina, Peripneumonia, Empyemate, Phthisi aliquando Urinam tingere, cumque ipsa profluere observationes Medicorum docent, sed & potissimum ab inflammatis, exulceratis, vulneratis, aliove modo læsis renibus, Ureteribus, vesica, urethra effluit. Ulceratorum renum signa proponit, Hipp. s. 4. aph. 75. & 76. Si sanguis & pus cum Urina reddatur exulceratæ vesicæ aut renum significationem præbet. Et: Quibuscunq; cum Urina crassa caruncule parvæ aut veluti capilli quidam exeunt, iis è renibus excernuntur. Priorem ut plurimum, non semper verum, Interpretum non Unus, in posteriori disjunctivum aut addi solitum præter Hipp. intentionem insertum dicunt Quidam. In illo sanguinem aut pus rectè ponit Hipp. non sanguinolentam aut purulentam Urinam, hæc enim à superioribus partibus derivatur, cum sanguis aut pus cum sero in renibus miscetur, in renibus verò aut vesica ulceratis sanguis aut pus miscentur, sed separantur postea. Aliàs, secundum Præcticos, signa sunt, dolor in lumbis gravativus, Urina sine impedimento reddi dicitur (de quo dubito) pus sibi permixtum habet, aut sanguinem aut utrumque, nonnunquam particulas carneas, filamenta, abscessus, vulnera, calculi, medicamenta acria, causæ externæ violentæ præcesserunt. Pus emictum à Nostro Ægro non admitto, quia abscessibus internis, unde pus cum Urina profluere solet jungitur lenta febris, tabes, Urinæ foetor & similia, hæc autem à nostro absunt; quia ex renibus & vesica non profluxit, intra

intra istud enim tempus, major longè quàm ipsi renes cum vesicâ si in putrilaginem ulcerosam penitus abiissent, copia excreta fuit; nec obstat natura ulcerum rhevmaticorum, dum humorum ad partem affectam fit affluxus, majorque eorum effluit copia, quàm pro magnitudine ulceris fieri debet, quod & plerunque ulcera circa loca nervosa tendinosaque oborta faciunt, unde talis ichoris intra horæ spatium duas lb. profluxisse vidit *Fabricius Hildanus*, ante enim puris excretionem necessariò adesse debuisset dolor non parvus, cùm nullum ulcus fiat, sive pus generetur sine dolore, nec Meliceria talis in se acris est, ut in excretionem dolorem pariat intensissimum, nisi, non solum partes membranosæ, nervosæ ac tendinosæ, quæ eam mittunt, sed & totum systema corporis sit summè corruptum; Accedit, malum hoc, quod in ulceribus dictis rarissimè imò vix contingit, penitus eradicatum & sublatum fuisse, nullum inflammationis, vulneris aut abscessus signum præcessisse aut junctum fuisse; & in talibus casibus pus antecedere urinam vel sequi plerunque solet, agitatione dissipatur omninò vel diffluit pars crassior quandoque in gyrum agitur, pus faciliè dissolvitur, pituita verò glutinosa est. Quæ cum Nostrâ Historiâ collata pus *excludunt*.

XV. Albicat aliquando in urinâ *Mucus narium*, cujus copia crassum album urinæ contentum imminuere defectus augere haud rarò per alternationem solet. Hic verò copia dicti muci absens illum *removet*.

XVI. Urina mucosa alba excernitur etiam ob *Calculi materiam* nondum coagulata; Calculosi enim non pauci emittunt vel cum vel mox post urinam mucum album viscidum, qui faciliè coagulatur; Sunt &, qui talem postea concrecentem mucum nondum calculosi egerunt, mineram futuri calculi proximam. *Observavi nonnullos calculo vesicæ laborantes, qui postquam urinam deposuere, cum magno conatu & dolore succum crassiorem & viscidum excernere solebant, qui illicò in materiam squamosam obdurescebat: hujus odor fuit lixivialis, & consistentia qualis lixivii ad spissitudinem evaporati, cujus scilicet liquor crassior factus & frigori expositus, protinus in duritiem salinam obrigescit: inquit Willis l. c. cap. 5. & sub finem cap. Ubi lapis in rene aut ve-*

sica defigitur, humor nutritius ibidem ab assimilatione pervertitur, & in mucum crassorem degenerat, qui valdè copiosus coacervari solet; veluti ichor qui propter globulum in fontanella positum ubertim exsudat. Iste autem mucus cum sero ablutus, sedimentum illud album constituit. *Brechtfeld. Act. Hafn. vol. 3. obs. 70.* Filiolam bimulam cum urinā emisisse materiam albam mucilaginosam narrat, quæ statim ab externo aëre in subflavum oblongum riguerit calculum, adde *Schulz. obs. quæ 126. est in Ephem. G. anno 6. § 7.* Nec solùm calculi materia sed & signum aut effectus est. Tale phlegma non solùm in urina veluti causa materialis calculi, hoc est, tanquam materia, è qua calculus vitam ducit ac generatur, ante & priusquam calculus subsedit, & coagulari cœpit, cernitur; Sed viscida illa urina in ægris vulgò tamdiu, quamdiu vesica calculo affecta est, imò quo magis crescit calculus, eo etiam majore in copia viscositas hæc in urina deprehenditur. Quoniam ea vesicæ est natura atque proprietas, præsertim quando circa collum læditur & ab acrimonia calculi irritatur & vellicatur, ut talem urinam viscidam & excrementosam progeneret. Dico autem vulgò, quoniam in calculosis quibusdam urina etiam pura claraque remanet. scribit *Guilh. Fabric. de Lithotom. vesic. c. 3. Joubertus de Differ. urin. c. 1.* Vesicæ calculosæ excrementum mucum istum dicit. Talem urinam crassam, mucosam mingere illos, qui calculo vesicæ à renibus delapso laborant, statuit *Prosper Martianus Comment. in Hipp. de Aëre Aq. & Loc. Sect. 1.*

XVII. An calculus renum vel vesicæ nostri inhabitaverit ægri corpus, per signorum seriem disquirenti mihi mox occurrit *Job. Baptista Sylvat. qui controuv. 32.* post prolixam disputationem tandem calculum renum & vesicæ pathognomonicum signum habere negat, imò nec syndromen symptomatum pro certo signo admittit. *Vid. etiam Verzasch. obs. 52. Thom. Barthol. cent. 4. Hist. anatom. 28. Crat. consil. 315.* Optimum quemque ista quandoque signa fallere possunt, & spurius alienusque dolor haud rarò pro calculo imponit, nè quid dicam de fraudibus & technis vespillonum, quarum aliquas detexit communis utrique amicus dans la legende du Gascon. dicit *Exc. Pechlin. in Epist. ad D. von Hammen, Aphor. s. 4. 79.* quales lites Interpretibus move-

rit, quales labores, quomodo occasione ejus dimicarint *Salmasius* & *Beverovicus*, notum; *Prosp. Mart.* nomine *Hipp.* indignum dicit. Proponi autem solita recensebo. Signa calculi renum ex *Hipp.* adduci solent in *l. 6. de intern. aff. vers. 334. Dolor acutus in renem, lumbos, & testem ad renis regionem ingruit, frequenter urinam reddit & paulatim urina supprimitur, simulque in ea arena egreditur & cum per urinæ fistulam arena exit vehementem in ea dolorem exhibet* &c. *lib. vero 6. Epidem. comm. 1. text. 6. sequentia habet Dictator: In renem dolor gravis, cum replentur cibus vomunt pituitam, cum dolores abundaverint æruginosa & melius habent cum cibo deplentur, arenula rubra subsident, cruenta mingunt, stupor femoris è regione positi. Senn. pr. l. 3. part. 7. sect. 1. c. 6. Signa calculi renum ponit, dolorem lumborum, modò in rene dextro, modò in sinistro, modò in utroque, inferentem ponderis gravantis sensum; ubi verò ex renibus in ureteres descendunt calculi, auctum, concitatiores, & acutiores, urinam cruentam, urinam paucam, tandem nullam, urinam arenosam (quæ tamen universalia non dicit) calculum è renibus cum urinâ excretum, stuporem cruris è regione renis affecti, testiculi retractionem, nauseam vomitum, causas ad istum gignendum prægressas aptas, urinæ tenuitatem, post crassitiem. Vesicæ calculi signa *Hipp. l. 4. de morb.* assignat dolorem sub emissionem, urinam paulatim fluentem, sicut in Stranguria, vesicæ inflammationem, urinam subcruentam, nonnunquam arenosam nonnunquam & lapidum cum urinâ excretionem *l. vero de aër. aq. & loc.* addit impeditam emissionem, pudendorum frictionem, penis tensionem, ponderis in vesicâ sensum, ægrorum motum, cerebrum absque quiete, tenesmum; His urinam limpidam, crurum complicationem, frequentem ad mejendum stimulum sitim intensam & explorationem per digitum & catheterem addunt *Authores*. Horum ergò adductorum signorum plerorumque absentia, curatio absoluta, nullum hæcenus tale symptoma observatum à calculo renum & vesicæ *Ægrum Nostrum absolvunt*. Formant aliàs communiter Practici præsagium tale: Quando per longum tempus citra crisin urina emingitur crassa, turbida, absque ullo in diætâ ægri excessu, dolore renum accedente & postea tenuis excernitur, minera calculo gignendo*

gignendo apta, eaque retenta & coagulata calculus significatur. At universale hoc non est, hinc calculi suspicio exspirat, & vocabuli vi extensa, crisin abfuisse non dicerem. Mucosumque urinæ contentum, non soli nec omni renum aut vesicæ ulceri aut alii affectui convenire, adeoque etiam ex superioribus partibus (addo ego sanguine) derivari probat *Prevotius Act. Hafn. vol. 4. observ. 34.* An aptitudo adfuerit, ex infra dicendis patebit.

XVIII. Monstrat aliquando urina alba crassa *Cacochymiam totius*. *Sennertus*, cum materiam albam viscosam tenacem ac crassam narium mucum referentem per aliquot septimanas cum cruciatu in tantâ copiam rejectam observasset, ut impossibile sit eam ulceri cuidam adscribere, cacochymicos humores ultra renes sitos pro causa agnoscit à Natura per has vias evacuatos; adductus felici ipsius curationis eventu, quo nec ulceris nec calculi suspicio relicta fuit. *Mæbius* sedimentum urinæ instar cretæ album varians, materiam alimenti terrestris sulphure non imprægnatam in Hypochondriacis reperiri dicit *Epit. Instit. Med. Lib. 3. part. 1. sect. 3. cap. 9.* Insigne exemplum in Pædagogo mictionis albæ crassæ viscidæ per 10. menses sine intermissione absque corporis extenuatione aut alia molestia præter dolorem inter mingendum, non cedentis ulceri renum opponi solitis, non vino malvatico, non stomachicis, non Anti-scorbuticis, recenset *Ræyger. Eph. G. anno 3. obs. 284.* quam sobolem cacochymix totius fuisse ego censeo. Fluor iste albus & Ægras & Medicos sæpè diu fatigans à tali cacochymia, à purgatione totius sanguinæ M. oriri solet, quocunque demum vitio illa heterogenea hanc inficiant. Rarò enim Caput solum, quod *Quidam* accusant, causæ locum subit. Et quis tantam solius chyli copiam, absque majoribus incommodis excerni crederet? solius, inquam, nam cacochyliam à cacochymia hinc non separo. Novi quidem istam inter *Celebres Medicos* dimicationem, dum una pars in uterum hujus mali causam rejicit, altera ab hoc eundem absolvit. Illius partes agunt *Mercurialis, Roder. à Castro, Zac. Lusit. Fernel. Montan. Saxonia, Heurn. &c.* Hujus *Donat. Anton. ab Alto mari, Cortesius, Massar.* Singuli pro suâ sententiâ *Galenii, Pauli & Avicennæ* Authoritates instar cerei nasi trahentes & torquentes. Censeo ego, sæpius non uterum a-

liquid

liquid huc conferre aliud, quàm heterogeneis sanguineæ M. ac feri particulis viam concedendo; aliquando tamen ob vitium proprium ulcerosum, quocunque modo voces, sanguinem alluentem, satis adhuc laudabilem, demum inficere, ceu & aliarum partium tam internarum quàm externarum ulcera faciunt. Hinc non conjuges solùm & vitiatas, licet id velit *Job. Bapt. Montan. tom. 2. Gynec. pag. 207.* sed & virgines imò puellas, ut *Smetius* in duabus tredecennibus, *Fernel. Bartholin. & Nester.* in octennibus, *Ballon.* in septenni, *Kölichen* in sexenni, *obstetrix Gallica* in quinquenni, *Riol.* in trienni, *Schneid.* in bimestri & trimestri puellis observarunt, infestare tale profluvium solet, quod tamen à muliebri Gonorrhæa tam simplici quàm venerea, tam diurna quàm nocturna, tam benigna quàm virulenta probè discernere necessarium & prudentis Medici est. Illustrem Personam novit laudatus *Pechlinus*, quæ 7. ætatis anno fluorem experta est album & serosum magno virium colorisque dispendio, quæ tamen diligenti Medicorum curâ servata adhucdum degit incolumis; Utrum ibi septenarii quædam prærogativa, ipseque indicium 14. fuerit, suspicatur *Ephem. G. anno 9. § 10. obs. 28. Winclerus in dictis Ephem. anno 6. § 7. obs. 103.* fluorem album describit, quem persona quædam sibi contraxit à variis in diæta vitiis, inter quæ singulis, dum haberentur, diebus 4. melonum comestio. An de humoribus *Nostri Nobilis*, antequam corpus actu læderent, Caco-chymix nomen propriè acceptum dici queat, forsitan non immeritò dubitatur. Nulla enim ab illis corpori inducta antea fuit læsio. *vid. infra.*

XIX. In specie *Scorbutica* nonnunquam talem efficere solet urinam. Non rarò in pelvi, super emissio sanguine scorbuticorum humorem quendam album gelatinæ non absimilem vidi, imò in Generoso Domino *Job. Henr. Rieteseln, Vinaria Consiliario Aulico &c.* observavi sanguinem beneficio cucurbitularum scarificatarum extractum in uno loco instar cinabaris rubrum, in altero instar lactis album; inquit *Mællenbrocc. de Arthrit. vag. Scorb. cap. 8. §. 10.* quod & *Barthol. ac Worm.* ut in *Illius Histor. Anat. 17. Cent. 1.* cernere licet, observarunt. In mictione pultacea, à chylo malum morem induente, insignem dolorem creante

aliam curam instituendam non esse suadet *Drawiz. l. c.* quàm, quæ in scorbuticis renum & vesicæ aliorumque vasorum urinalem dolorificis affectibus institui solet. Effluxisse cum urinâ albam, crassam, viscidam materiam, exiccatam, subtilissimum sabulum æmulantem, in puero, non quidem continuè sed per intervalla, de quarto in quartum & de 14. die in 14. tum cum stranguria valdè dolorosa & apparentibus in crure ac sinistro brachio maculis scorbuticis, sine ullo alio scorbuti, affectus alias ibi locorum satis rari, signo recenset *Rayger. l. c.* istumque affectum ab Egranis acidulis integrè sublatum. In Hoc Subjecto neque ante, neque in, neque post hanc mictionem ullum apparuit scorbuti propriè dicti signum.

XX. Confunditur quoque urinæ *Mucus circa articulos* p. n. detineri, gigni, colligi solitus, Arthritidem etiam producens. *Platerus* refert, se vidisse nodos à cubito ad carpum usque deductos & veluti coherentes in podagrico quodam natos, ex illisque ruptis, pulvem albidam emanantem. Simile quid ante annos aliquot in se observasse retulit nobis *Vir* quidam honoratissimus graviter hoc morbo per multos annos vexatus, huic natum erat tuberculum nodosum oblongum à media ferè tibia ad astragalum usque protensum, quod cum temporis successu mollesceret, ab ipso agro cultello apertum est, materia albicante pultacea cum ipsius admiratione profluente, scribit *Dandewarthy de Arthrit.* Talem autem pulvem albam urinæ permisceri *Hipp. Aph. 74. s. 4. de indicat. vers. 122. & potissimum lib. 2. prædict. vers. 142.* docet, ubi inquit: *Urina crassa albam subsidentiam habens, aut circa articulos dolorem aliquem, aut tumorem significat.* Liquor nimirum, mucus sive gluten per nervos diffusum mite, blandum, suave, dulce aliàs degenerat, acredinem, aciditatem contrahit, ob chyli, sanguinis, feri, particulas acidas, justo acriores non solum, sed & ob proprium, ipsius fonte infecto, partis vitium. Talis acidus succus cum alcalico ad concrefcentiam pronus, obvio unitus facile concrefcat, soliditatem acquirit, in tophos, qui calcem & gypsum referunt, in arenulas abit, qui tophi non in articulis solum, sed & aliis partibus nonnunquam enasci solent. *Kerkring. Spicileg. Anat. obs. 28.* podagricum describit, cui calci similis.

ma-

materia, undique ex corpore effluebat, ipsis etiam sputis calcis consistentiam acquirentibus, quam materiam cum Vulcani adminiculo examinaret, spiritum quendam, inter spiritum tartari & salis armon: quodammodo medium, oleum ab oleo tartari vix distinguibile, & sal fixum eduxit. *Excell. Meibom. de calcul. ren.* §. 52. lintea, quibus pes hydrope tumidus disruptus magnam ichoris copiam fundens, involvebatur, exiccata tota arenulis obducta observavit. *Celeberr. J. D. Horstius*, sudorem arenosum in mammis & manibus Illustrissimæ Matronæ digitorum apprehendentium vestigia relinquentem describit *Manud. ad Medicinam part. 1. pag. 191.* Gypseam avium cretam, de quâ etiam *Harv. de gener. animal. exercit. 6. § 10.* ejusdem materiæ cum tophis Chiragricorum esse vult *Antonid. van der Linden, Select. med. exerc. 5. §. 31.* In Nostro Casu muci istius cum urinâ postmodum excreti Arthritidis causæ portionem dictus nervinus liquor corruptus constituit.

XXI. Jam *Qualis Hic à Nostro Ægro excretus Mucus*, quæ ista calcea puls, unde genita fuerit, brevibus exponam. In *Hoc Ægro*, sanguinem copiosum, sed minus activum, non valde spirituosum, in vasis, quod Temperamentum indicat, circumgerente, stamina sive prima semina à Parente Podagrigo-Nephritico ipsi communicata ad falsedinem, aciditatem prona fuerunt; cui hæc vocabula à sapore desumpta non sapiunt, me non renitente, acrimoniam aliis explicet. Ista per vitam militarem aucta non parum fuerunt, in Hac enim, à summâ plerumque necessitate, aliquando à juvenili æstu rerum sic dictarum N. N. usus in maximum abusum torquetur, in turbatam confusionem agitur. Miles enim aërem modò experitur frigidum ad rigiditatem ipsum adigentem, modò æstuat, fervidissimo sub cælo ad dissolutionem usque virium, modò exiccatur, modò inundatur, ab externi aëris injuriis corpus. Quæ talis hominis est victus ratio? Hodie jejunio maceratur, altero vel tertio die ingluvie stomachum fatigat, edit enim quando & quod suppetit, frequenter cruda, rarius debite præparata, hodie vinum ad satietatem, cras aquam bibit putridam; quantis laboribus ac vigiliis vires æstate consumuntur, quali ècontra non raro in hybernationibus otio ac ingluvie opprimuntur!

muntur! Quis Excretorum ac Retentorum singulorum inordinatus hic ordo? quanta vehementia, turbatio ac impetus variorum Animi Pathematum? quàm subitæ circa singula dicta mutationes? Huic succedens aliud vitæ genus, partim quodammodò istas degenerantes obtudit moleculas, partim auxit, per curas nempe nimias, hæ enim spiritus dissipant, enervant, coctiones impediunt, fermenta turbant, sanguinem degenerare faciunt. Hæc effecerunt, ut in Ventriculo saliva, menstruum gastricum, aut calor suo non fungi valerent officio, hinc cibi non volatilifati debitè, volatiles in iisdem particulæ non evolutæ, liberatæ, chyli character non impressus fuit, ut à triplici in intestinis humore non elaborarentur ad perfectionem justam, sed linqueretur liquamen crudum viscidum, chylus sæculentior, crudior, acidior, fixior; ut Viscera sanguinis generationi ac depurationi dicata, ut glandulæ in suo torperent munere, hinc spirituum quædam paupertas, sanguinis non iusta crasis; ut Solidæ Partes in privatæ coctionis, nutritionis sordibus abigendis aliquantum deficerent; Inde copiosum, lentum, generatum serum, cuius tamen particulæ salinæ acidæ diu in corpore hæserunt, antequam actu læderent, nondum enim sui erant juris, sed sub fræno sub jugo adhuc, quod sæpius contingit, ut scitè Plato dixerit: *morbos sæpè nobiscum nasci, aut educari & non secus ac Barbam suo tempore erumpere*; Et salia, sulphura, varias activas particulas etiam diu in liquidis latere, nullam sæpè exerere vim, usque dùm resolvantur, liberentur, in regno naturali, facilè licet ostendere. Tandem autem dictæ istæ in corpore particulæ dubio procul Arthritidem aut Nephritidem jam excitaturæ, resolvendæ, hinc vel ibi in fluorem abituræ, à Natura, hospitante in singulis corporis nostri partibus majoribus minoribus ad machinæ vivæ integram conservationem, quantum licet, omni nisu tendentibus ad renes detrusæ, à glandularum ibidem fermento potissimum resolutæ, liquatæ per ureteres ad vesicam deductæ & per urethrameductæ sunt ad alleviationem corporis, propter quod, licet p. n. ratione excreti & doloris juncti, hoc factum fuerit, Criticam, si latius extendo nomen, & omni symptomatico nocenti deficiente fluxui oppono, vocare potero hanc mictionem; Sin strictioribus includo terminis, Symptomaticam,

eam, ægro tamen proficuam; Ceu in aliis etiam casibus per has vias cum lotio varia ad levamen corporis cum *ἰσφορίᾳ* educuntur, materia tamen excreta p. n. genita. Non autem solùm istæ minùs debitâ crassi ac texturâ præditæ, sed & laudabiles quædam, non copiosæ, sanguinis ac feri particulæ simul liquatæ educæ fuerunt, veluti in aliis fluxibus à fusoriâ fermentatione oriundis contingere solet. Viscida lenta crassa est illa materia sive contentum, quia nimirum ob lymphæ diluentis paucitatem, salium volatilium alcalium parcam quantitatem acidæ particulæ saturari desiderantes ad concrescientiam pronæ, lentorem talem inducunt, forsitan successivè, nisi obviam iretur, cum mucosorum articulorum glutinoso in tephos abiturum; vel, si magis placet, quia magis ramosæ, magis rigidæ in sedimentis crudis contentæ atomi sunt, paucæ verò subtiles interstitia illarum replent, sicque visciditatem efficiunt, aut ob pororum cum figuris ad id convenientiam, aut ob aliud; vel, si hæc non satisfaciunt, quod metuo, salinum inspissans aut seminale principium incrassans, me non repugnante, quis arripiat.

XXII. *Describo ergò Mictionem hanc Pultaceam, quod sit: Urina pallidæ, crassæ, cum contento albo viscido per vias urinarias excretio, orta à sero, salinis acidis particulis triplicis coctionis vitio genitis, in renibus resolutis scatente, ad levamen corporis.*

XXIII. *Subiectum* Hujus mictionis ardentis fuit collum vesicæ & urethra. *Causale*, Renes ab Opifice Summo corporis humani ad secernendum superfluum serum variis in triplici coctione genitis heterogeneis inebriatum destinati; & Remotius Viscera cum glandulis à suo officio per dicta aliquantùm abducta. Renes & Ureteres à mucositate hoc non doluere, quia celeriter transiit, non, ut in vesicâ, substitit.

XXIV. *Causa* hujus Mictionis Pultacæ *Proxima Efficiens* fuit Natura, sive Archeus, sive partibus omnibus insita ad corporis conservationem, inclinans vis, educere, abigere hostem conans. *Materialis*, Viscidus lentus mucus, quem re unum, prout *Huic* vel *Illi Authori* blandiri quis velit, variis nominibus insignire, pituitam acidam, tartarum fecalem resolutum, sal acidum solutum,

aciditatem fermentalem, spiritum vitalem, partibus spermaticis hostilem appellare licebit. *Hujus* Causa est fermentum in renum glandulis fundens, sed aliquantum nimium, acidas & alias in sanguine ac sero affluente latitantes particulas: *Harum*, Ventriculus & Intestina, quæ portionem, Viscera ac Glandulæ, quæ aliam, Privatæ, Nervosæ præsertim, partes quæ suam partem contulerunt portionem, ut ita chyli, sanguinis, feri, privati nutrimenti, liquoris nervini corrupti foetus sit illa Puls. Horum omnium qualis Causa partim *Propinquior*, partim *Remotior*, dictæ res NN. fuerint, patet.

XXV. *Symptomatum* jam Rationes depromuntur facile. *Puls* nimirum ista *calcea* soboles dictorum acrimoniâ suâ collum vesicæ & urethram, mucum, ibi alias demulcentem inficiens non solum, sed & abradens, in tenellas sensiles membranulas, aut fibrillas lancinando, rodendo, pungendo, agens, intensum istum *dolorem*, *cruciatum* ac *ardorem*, mictionem non ardentem solum, sed & pungentem, rodentem, lacerantem, non propriè loquendo stranguariam, in qua stillatim, continuò aut frequenter emingitur, ad *sudorem* usque *frigidum*, quia spiritus in corpore nostro à suo Directore ad Affectam dolore distortam nimium partem, mittuntur, excitavit; quo cessante, *lassitudo* ob spiritus nimirum dissipatos, superest; absunt verò alia symptomata, quia istæ in corpore particulæ sui nondum juris, vel, ut *Quidam* loquuntur, potentiam natura humana majorem nondum natæ, nondum secretæ sunt. *Anorexiam* aliqualem fermenti non debita activitas, aut spiritusascentia, propter sanguinem pituitosiores & ventriculi mucositatem genuit. Successit verò aut potius juncta fuit *Arthritis*, articulis à seminali non solum & hæreditario principio, sed & dicto Rerum NN. abusu dispositis ad recipiendum mucum istum viscidum secretum, imò etiam demùm sæpè dictas particulas secermentibus, & ita dolorem membranaceis partibus inducentibus; Iste autem dolor oritur, non tam quia acres, acidæ, fluorem adeptæ atomi, sive tartarus resolutus membranaceas fibrillas, partes circa articulos vehementiùs immutant, effervescono cum alcalicis suo ordinario pugili, quod aliquando contingit, quàm, quia ipsæ rodunt, acumine pungunt, vellicant, laceffunt. Cur non alibi etiam

etiam dolores, in viis præsertim, per quas transit, ab hoc viscido liquore, excitentur, non unam Rationem licet suppeditare; Humor non ubique sui juris, non secretus est, acidum quodvis in corpore specifico sapore textura singulari, ac proprietate seminali tinctum *Recentiores quidam cum antiquioribus Chymicis dicunt. Vid. Tachen. de princip. morb. cap. 8. ubi inter alia etiam hæc: Cæterum gubernator spiritus, pro particulari sua intelligentia, cum sit semper officii sui memor, nil aliud, quam synoviam exornat, preparatq;: interim tamen nescit, quod eam aciditate sua labefactet, ac individui ruinam ita laborando cudat. Synovia quoque vicissim metu vacui, magneticoq; modo, eundem in doloris tragediam, nunquam attrahere desinit; Est, quod voluit Hippocr. Nesciunt quid faciunt, sed destinatum fatum explent.* In omnibus certè morbis particularibus texturam partis deprehendimus aptam, ut hic, non alius gignatur morbus. *Magna istius contenti Copia successivè fuit educita, quia non chylus solùm sed & sanguis & privatarum partium liquores degeneres fusi materiam ipsius constituerunt. Nec mirandum, tantam copiam profudisse Ægrum, cum ex aliis partibus, ordinariæ excretioni à Natura non dicatis, insignis sæpè profluat quantitas; Excellent. Langelot. narrat Ephem. Germ. anno 6. § 7. obs. 12. ex aure sinistra Principis cujusdam, cui præsentibus 7. Famosisioribus Medicis, inter quos Summi Pontificis Medicus Cubicularius, trepanum jam jam capiti applicandum erat, stillasse serosi laticis sensim ad 8. libras.*

XXVI. *Signa suppeditavit Ocularis Inspectio. Causarum, proximiorum remotiores, obviæ causæ, & symptomata relata, ut jam explicuimus, signa fuerant. Talia enim externa, chylum, talis chylus & copia excreti, similitudo, sanguinem, hic serum, hæc cum Arthritide, etiam nervinum liquorem peccasse ostendunt. In Prognosi vix tam brevem durationem & citam liberationem promississet Medicus; Non enim uno saltem menstruo spatio absolvi solet mictio pultacea, præsertim si materia quotidiano à reliquis circa 6. rerum N. N. usum, recessu, visceri uni vel alteri in officio deficienti offeratur. Hic verò expulsis, licet cum dolore & aliquali etiam laudabilium infectorum educatione, hete-*

heterogeneis, pòst viscera cum Glandulis suo satis fecerunt officio.

XXVII. *Curationem* aggressurus *Medicus*, Non suavit il-
lud, quod aliàs *Vulgus* in usum ducere amat; nec enim cum illis
facit *Medicis*, qui contra *Vulgum* in talibus sapere nolunt; descri-
bitur à *Drawiz de Scorb. Art. 9. pag. m. 380.* Non, inquam, talia va-
næ plebis observavit ludibria, sed medicamentis debita metho-
do observata, eò respexit *Medicus*, ut *acres, acidas in sero mo-
leculas, dolorem inducentes imminueret, demulceret, mitigaret,
oblineret, ut fusionem istam nimiam futuram inhiberet, ut pitui-
tam sive mucum attenuaret, & spirituosas sanguinis particulas
restauraret.*

XXVIII. *Purgans Potio exhibita fuit*, ut primus, secun-
dus & tertius corporis districtus ab hostibus liberaretur, quod e-
tiam *Lenientia*, sive minor purgantium dosis præstat; Major dosis,
majorem quantitatem cum gravioribus turbis exturbat, minor
quantitatē minorem, cum minori agitatione levioribus turbis. *Fol.
Sen. elect.* non imatura, non stipites, educunt non solum adustos, sed
quoscunq; humores peregrinos, serum variis heterogeneis tinctum,
colliquatoriam enim sive fusoriam fermentationem, & ad intesti-
norum secretorias glandulas, ad pancreas translationem, dum in-
stituunt, è dictis locis educunt. *Objicere* autem quis posset: In
tali affectu, ubi fusio, resolutio humorum tanquam causa accusa-
tur, ulteriorem fusionem instituendam non esse; Cui *Respondeo*,
1. ut ista, quæ talem fusionem gignunt excernantur, purgatio in-
stituatur, etiam in *Diarrhæa*; 2. Lenia, non vehementiora hic
præscripta fuerunt; Vehementiora enim agitatione sua magis no-
cuissent. 3. Alia est separatio quæ in glandulis intestinorum,
alia quæ in glandulis renalibus fit. *Sem. Anisi* vim aromaticam
carminativam, *Crem. Tartari* stimulatoriam hinc inde deprædica-
tam reperies. Additum fuit *Elect. diacass. cum Manna*, para-
tum, conservâ viol., quia *Syr.* ingreditur, omiſſa, retento verò con-
tra *Zwelfferi* intentionem *Saccharo* penidio, quia hoc leniendo ab
acrimonia læsas partes, commune aliquantum superat. Hoc *E-
lect.* inter purgantia mitiora, lenitiva vulgò dicta, simul humectan-
tia, acres, acidas, rodentes particulas temperantia, caput exerit,
licet *Multis*, quia *Galenica* est compositio, non sapiat; Verùm
hume-

humeſcendo, demulcendo, ſpicula obtundendo, conducentia, idque particulis viſcidis, mucilaginosis, lentis, oleosis, balsamicis, præſtantia in *Chymicorum* officinis vix reperiſſes, ſed aliis atomis acriori cauſæ obviantia. Compendioſa ergò nimis ſunt & coarctata *Pharmacopolia*, quæ ſola *Chymica* vendunt, *Galenica* verò omnia exeſſe jubent *medicamenta*. De Flatibus nihil conquerebatur *Æger*, hinc ille metus, caſſiam ut vulgò ſolet, hic non proſcripſit, quæ etiam cauſa fuit cum alvi libertate, quod *Enemata* injecta non fuerint.

XXIX. Succedit *Aqua contra ardorem Urinæ Mynſ.* quæ talia quidem ingredientia monſtrat, cujus vires alembicum non transcendere, *Quidam* curioſiores & ſola volatilia urgentes *Chymici* volunt. Verum transcendere tales, quales ab *Authore* intenduntur, particulas, nimirum ardorem & difficultatem *Urinæ* mitigantes, ciborum & lotii acrimoniam obtundentes, exulceratâ fiſtulâ urinariâ, veſicâ, renibus & ureteribus ulcera detergētes, glutinantes, & cicatrice tegentes, ſenibus veſicæ ſcabiei, ac inde miſtioni creberrimæ obnoxiiſſis utiles, *Urinæ* ſtrigmenta mucoſa, aſpera & dolorifera complanantes atque lenientes, ut *Mynſicht* adducit, transcendere, inquam, cum quadam ſimul *Urinam* promovendi vi tales præter effectum quem laudabilem in talibus ab hac aqua sæpius vidit *Dn. Præſes*, probat Emulſ. ex fructibus & ſeminibus oleosis deſtillatio, quæ aquam profert odorem & ſaporem Emulſionis referentem, tandemque etiam rancorem iſtis oleosis rancidis communem contrahentem. Mucilaginosis, demulcentes, aqueis, diluentibus, temperantibus particulis mixtas aſcendere quis negabit? Quid de *Syr. de Althæa Fernelii* confeſtione *Hörnigk*, quid *Zwelferus*, quid *Schröckius* ſcribant, legi. Quî unus vel alter *Pharmacopæorum* paret, novi. Modo vis mucilaginosa, lenta, mitigans communicetur, ſyrupique conſiſtentia debita & quantum licet, gratia adſit, quod fieri poteſt, licet una vel altera præparationis circumſtantia variet, mihi perinde videtur. Inter illa certè hic *syrupus* eminet, quæ *Urinæ* ardorem demulcent, citra manifeſtum calorem, craſſam, obſtruentemque pituitam, nec non viſcidam purulentamque renum ſaniem, arenulas & calculos blandè ac clementer, ut verba *Medicorum Auguſtanorum* ſonant, expurgant.

XXX. *Malva, Althea, Liquiritia, Sem. 4. frigida, papav. albi, Amygdala dulces, Hordeum* acrimoniam leniendi, dolores mitigandi gratia in *jusculis, emulsionibus, aqua destillata ac decocto ordinario* exhibita fuerunt; Particulis enim suis lentis, viscidis, mucilaginosi, balsamicis, oleosis, pinguibus, salina obtundunt spicula, partes à dolore solutas, turbatas demulcent, mucosum suum rosionem acidarum particularum, omni abstergendi vi non destituta, impediunt. In affectibus dolorificis vesicæ, cum quævis leviter acris sive per longiorem sive per breviorē viam ipsi communicata dolorem vehementer augent, unde sive volatilia sive fixa acredine prædita, à *Medicis quibusdam* exhiberi solita, sæpè ad desperationem usque ægri, dolores intendunt: Sic talia mucosa, tam per os quàm per urethram immissa, non solum acrimoniam, aculeos obtundunt, sed & naturalis muci sive crustæ à natura trans-euntibus acris oppositæ vices supplent, imò ipsum restaurant, unde injicere talia curat *Exc. D. Præses* in vesicam calculosorum, ubi calculus frangenti, vulgò dici solita, suo destituuntur nomine & munere, idq; magno cum levamine & cura insigni palleativa, ut ipsi ad munera itinera & alia peragenda iterum disponantur, quod & hîc fecisset, si diu durasset malum, nec tantâ copiâ profluxisset Urina, injectum cremorem, mox dilutura & eductura; Nec alia ex ratione juvant *Morsuli à Drawizio l. c. pag. 414. descripti, alius cujusdam consilio* Ægro Nostro exhibiti. Hinc, quod antea dixi, patet magis, nimirum solam talem jusculorum, Emulsionum, decoctorum exhibitionem non semel prævalere laudatis à *Chymiurgo* medicamentis; Dari autem haud paucos affectus, quibus *Chymica* feliciter, *Galenica* inutiliter ac frustra opponuntur, contra negantes defendam acriter; Ex utraque ergo pharetra in variis casibus arma depromat Medicus necesse est; In plerisque Nephriticis affectibus talia demulcentia aliis narcoticis præstant. *Tale narcoticum* videtur fuisse medicamentum, quod à *quodam Medico* magnoperè laudatum mulieri anhelosæ, ictericæ, calculosæ, exhibitum, dolorem quidem sedabat, & ægram somnolentam reddebat, sed graviore malo sc. Urinæ suppressione succedente nullis medicamentis auscultante intra diem unum vel alterum ægra confecta, cum refert *Anton. de Heide obs. 24.*

XXXI. *Fragorum Aqua* diluendo, abstergendo, dolori obicem posuit; *Petroselinii Aqua*, *nasturtium aquaticum*, partibus suis acribus, tenuibus, crudiores, pituitosos, acidos humores emendando, fermentum glandularum renalium roborando, corrigendo, spiritus restaurando, sero debitam consistentiam largiendo profuerunt; *Aqua fontane* qualiscunque si adesset cruditas *crusta panis* tosta ut auferretur, prospectum fuit. *Extractum specierum diatrion santalon* non tam propter obtinentes particulas, quàm propter terrestres adstringentes, ibi concentratas, resolutio fluori, obviam ivit, salia in humoribus istum tumultuosum fluxum excitantia quasi emori fecit, consistentiam strictiorem sanguini ac sero induxit. *Terebinthina* tam emolliendo, lubricando, mitigando, quàm simul abstergendo renalis fermenti nimiam resolvendi vim, emendando profuit.

XXXII. *Tragea* ista ex *flavedine corticum arantiarum*, dempta penitus alba insipida inutili membrana, propter aromaticas, oleosas, spirituosas, volatiles, amaras, moleculas, ex *ligno sassafras*, quod volatile, oleosum, acre, ex *tunicis ventriculorum galinaceorum*, quæ præter absorbendi, laxitatem corrigendi vim, volatilitate gaudent, & *Ebore preparato*, quod imbibit, enervat, & adstringit præscripta fuit, ut acidi fluores prohiberentur, sanguis magis in volatilitatem debitam eveheretur, spiritus restaurarentur.

XXXIII. *Pulverem Arthritidi* oppositum constituebant *lumbrici*, qui sale volatili & mucos glutinoso oblinente, nervos solantur, acrimoniæ vires demunt. *Antimonium diaphoreticum*; Hoc quid valeat, ubivis hodiè legimus; Hic acidus magis domuit particulas ob connubium *Jovis*. *Succinum*, cujus nativa loca *Plinius* & *Alii Antiqui* adducunt plurima; *Germaniam*, *Hispaniam*, *Italiam*, *Adriaticum Mare*, *Scythiam*, *Numidiam*, *Insulas Oceani septentrionalis*, *Syriam*, *Africam*, *Ægyptum*, *Æthiopiam*. *Recentiores* designant *Germaniam*, in hac varia loca, etiam *Sueviam*, *Hispaniam*, *Italiam*, *Pannoniam*, *Poloniam*, *Japponiam*, *Cambajam*, *Chinam*, *Novam Hispaniam*, *Africam*. Verùm, an *Nostrum*, quod nos hîc intelligimus, *Succinum*, ubique ita reperiatur, maximè dubito; Hoc in *Brussia* ejusque *Provincia Sudavia* potissimum colligitur. *Quid autem sit, Naturalium scruta-*

tatores variè maceravit. Animalium excrementum, *Quidam*, *Alii arborum*, *Alii Maris* volunt; *Quidam* ex Balænis pro seminari, *Alii* ex spuma maris nasci statuunt; *Quidam* bituminis si-
ve picis fossilis genus è venis suis in mare vel flumina, vel etiam cavernas terræ eructatum, ac à rebus coagulantibus condensatum dicunt; *Borellus*, Mel congelatum & à frigore antiquo lapidescens censet; *Hartmann. Histor. Succini* in gemmarum locat seriem. *Amannus* manu ductione ad materiam Medicam S. 2. §. 10. dicit: *An medium quid inter lapidem Agstein / & Gummi, vel resinam sit, nescio revera & omnes Physici.* Quicquid sit, egregias Arti nostræ suppeditat suppetias. Non quidem ad fabulosam ejus virginitatem probandi vim deduci me patiar, non singulos quibus opponi solet morbos adducam, qua intentione nullum penè corporis membrum esse, cui non aliquid ex Succino beneficii promittatur, dicit *Libavius*; Saltem notasse sufficiat, Nostro profuisse Ægro, quia compositum est, ut loquitur *Abuali Ibn sina canon. lib. 2. tr. 2. cap. 372. ex Aqueitate tepida & ter-
reitate jam subtiliata*, quia caliditate non excedit, simulque sic-
cum & adstrictoria vi præditum est, quia particulas continet salinas fluiditati obviam euntes ad firmitudinem disponentes, sulphureas, viscidas, demulcentes, volatiles, aciditatem corrigentes, quia serum suave si non dulce insipidum tamen efficit, quia sudoriferum est, quia non capiti solum, cephalica autem vulgò dicta, nervina etiam sunt, à plurimis Authoribus dicatur, cedit tanquam nervis gratissimum ab *Helmontio* commendatum, ab *Experientia* confirmatur. C. C. philosophicè calcinatum, quod variè calcinant *Philosophi per Ignem*; Sufficit lenta per coctionem Emollitio; Particulis volatilibus diaphoreticis, omnibus aut potissimis orbatum, *Quidam* rigidiores dicunt; At præter vinum imbibendi, immutandi, leviter stringendi, particulis tenuibus diaphoreticis penitus destitutum nego. *Semen Aquilegiæ* subtilibus suis corpusculis heterogenea, tam sensui apertè patentia, quam eundem subterfugientia per reticulares cutaneos ductus eliminat, terreis durioribus, laxiorem sanguinis ac lymfæ texturam stringit.

XXXIV. *Pilularum* materia fuit *Extractum* sive succus inspissatus *Papaveris Erratici.* Hoc in Arthritide non solum vi
dia-

diaphoretica, sed & anodyna spirituum ferociam compescente, acrium irritationem mitigante prodest, internoque usu *Mandragoræ*, *Solano*, *Hyoscyamo*, aliàs à *Quibusdam* laudari solitis quocunque etiam modo præparatis, omnem palinam præripit. Porro *Extractum Bezoardicum D. Præsidis*, quod optimo jure *polychrestum* quis diceret, ob vires modò laudatas cum aliis; & *Bezoardicum minerale*, ob vim diaphoreticam, ob vim imbibendi, absorbendi acidos humores, licèt, si quis *Antimonium diaphoreticum* substituere vellet, nos non repugnaremus; Non enim illud viribus hoc superat, sed saltem labore & pretio; Rarissimi aliàs usus est *Exc. Dn. Præsidi*.

XXXV. *Cinnabaris Nativa*, quam *Antimonii Cinnabari* præferre solet *Dn. Præses*, quia Nativam feliciorẽ Arte Chymicum censet, addita fuit; Contra quam tamen non generalis solùm, sed & specialis in hoc casu ratio insurgere videntur. *Mercurii* est sive *Minera* sive fœtus, hinc in ipsum reducere hîc & ibi docent *Pyrophili*; At quas noxas furores *Draconibus* non solùm osiores sed & clientes *Chymia* adscribant, nisi mitigetur, notum est; Simul & *Experientia* funesta, *Aurifabros*, *Metallarios*, & alios *Mercurii tractatores* è solo illius fumo læsos, ac ipsius armis sive ex incuria, sive ex ignorantia, sive impia proæresi abutentes, monstrans, confirmat; Quam Pulveres, quibus *Auri* genius & vires tribuuntur, oculo nonnunquam armato, nonnunquã meditabundo *Mercurium* ostendant nocivum norunt multi. *Pariter* *Cinnabarim*, intus assumtam, læsisse non rarò corporis humani structuram, *Quidam* notant. *Sulphur* etiam ejus constituit portionem, impura autem *Sulphura* quantum laborem faciunt ventriculo, in quantum ejus *Archæum* ad vomitum usque agant furorem, patet, *Barthol.* occasione solennis officinarum *Pharmaceuticarum* visitationis seqq. notavit *Afor. Hafn. Vol. 1. obs. 41.* In *Officina Job. Gothofredi Becker* vidimus *sulphur nigrum* ex *Cinabari nativa* sive *minera Mercurii extractum* & separatum, ut periculo carere non videatur pulvis ex *Cinabari nativa* in capitis affectibus exhiberi solitus. Ex aliquot libris, dum tantum *Cinnabaris puræ* habuit, ex quibus 8. uncias *sulphuris nigri ardentis* separavit. Ex sublimato illo *sulphure*, elicitur quo-

que *Mercurius currens* & *sulphur nigrum* priore. Unde conjecturam facit, siquidem *sulphur* istud cum *Mercurio* conjungi non potest, & ex utroq; *Cinabaris* constituitur, conducibile non esse ante purificationem in usum *Medicamentum* trahere *Cinabarim*. Nam assumpto pulvisculo pro una dosi, quintam ejus partem constitui ex *sulphure nigro Arsenicali*. Salutari cautioni non possumus non accedere, suadentes ut quicumque posthac pulvere *Cephalico* ex *Cinabari* uti voluerit, securitatis gratia prius sublimatione impuritates has arsenicales separet. Verum Non ex *Mercurio* solo constat *Cinnabaris*, non in ista sui juris est & ius, sed compedibus quasi ligatus, non salinæ, corrosivæ ibi dominantur, moleculæ, sed si quæ adsunt sub jugo vinciuntur, sulphureæ, puræ, blandæ, naturæ amicæ, non impuræ inquinatæ hostiles adsunt, jungunturque connubio, quale & *Natura* & *Ars* in corporibus instituunt frequentissimè amico, suavi, etiam extra talem statum hostes conciliante. Istæ sulphureæ, quæ non rarò *Auri* *Natura* gaudent. Crudum *Mercurium* corrigunt, mutant, depurant, figunt, cicurant. Posito, læsisse aliquando *Cinabarim* exhibitam, selecta dubio procul non fuit, aut ad *Regulas Artis*, modo, præparatione, dosi, usu, & cæteris debitis non exhibita. Curet *Medicus*, ut comparet *Pharmacopæus* selectissimam quantum datur, non territus à cariori, quod hodiè est pretio, aut si talis haberi non potest, à saxo adhærente per trituram & elutriationem, ab arsenicalibus & aliis quæ commiscentur impuritatibus suo modo liberanda Serit; eligere *Hungaricam*, rariùs aliter præparare jubet ac frequenter exhibet *Dn. Præses*; Nec enim *Chymiam* ad ea quæ docta *Natura* tam feliciter, ut diximus, univit separanda censet destinatam.

XXXVI. Sed & specialis in hoc casu *Ratio* *Cinnabaris* hujus usum dissuadere videtur, omnis nimirum ejus resolvens, fundens, liquans, ob quam ejus usui in morbis ubi fluidior, resoluta justo magis sanguinis textura est interdicit; In Nostro autem *Ægro* salia resoluta, fluidiora, hætenus accusavimus. Verum Laxus iste fluor tantus cum exhiberentur pilulæ istæ, ceu antea, non fuit, & alienam morbus faciem induere cœpit, quibus accedit, quòd in exigua dosi exhibitâ aliisque junctâ fuerit *Cinnabaris*.

baris. Hujus nunc *Natales, Encomia ac Vires* recensere superse-
deo, cum præter *Multos, uterq; Hofmannus, Wedelius, Ludo-
vici, Schultz, Tillingius & alii* hoc præstiterint. Peculiare inven-
tum Cinabarinum nuper exhibuit *Clauderus*. Quantum nervis
solamen conferat, *laudati* modò, ut & *Möllenbroccius* docent.
Rarior paucis abhinc lustris ejus fuit usus, hodiè verò eam ma-
gis magisque *la mode* in usum non solùm ducit Medicum, sed &
Chymico subicit Examini, magno cum Artis nostræ decore &
Ægrorum commodo. *Huic* præscripta fuit *Ægro*, quia diapho-
retica exaltat, Mercurialibus correctis particulis acidos enervat,
humores, sulphureis puris demulcet & mitigat, imò ob ipsarum
conjugium istas acres inimicas corpori particulas absorbet, de-
struit, invertit, sicque lymfæ mitis generationem *procurat*. *Hoc*
dum *præstare* dixero, *primùm* in Ventriculum ejusque liquores ac
partes agendo eademque operâ spiritus ibi hospitantes ab inimi-
cis confusos, turbatos, pressos, solando, in ordinem redigendo,
corrigendo ab his monitos etiam alios liberando, serenando, cau-
sam in ventriculo universalis aut longè diffiti particularis mali
tollendo, sicque toti corpori singulisque partibus prospiciendo,
dein etiam minutissimis sensui non patentibus particulis (licet
aliquando alvi excrementa tingere non negem) ulterius penetran-
do, *occultam occulti regiminis actionem, Magnetismum sive irra-
diationem* non ineptè explicuero, ut in conflictu patebit. Spi-
cula *autem* ista pungentiâ nervosas infestantia partes, qui frange-
re, obtundere, immutare, tam exigua hujus Cinabaris dosi va-
leat? si quis *objiceret*; &. Non sola, & repetitæ non semel istæ
pilulæ fuerunt, insignior autem illius dosi in genere, quia non
rarò, ob talem purgat, vomitus ciet, in specie propter fluidiorem
sanguinem læsisset.

XXXVII. *Oleum lumbricorum*, partibus ante laudatis
inebriatum, sicque balsamicâ demulcendi vi suâ magis auctum,
cum *pinguedine Viperarum Italicarum* nervosas partes, mirè ju-
vante Nuchæ & Spinæ, ut nervorum origini prospiceretur, com-
modumque partibus sic facilè communicandum, præstaretur,
non verò partibus dolentibus, quia pingua magis lædunt in
hoc affectu, inunctum fuit. *Animo habebat Medicus* mucò im-
minuto;

minuto, acrimonia mitigata, ejus ulteriorem proventum prohibere, fontes obturando, viscera nimirum & glandulas ad debitum officium reducendo; *Sed*, cum materia pultacea sensim deficeret, Ægerque absque ullo ulteriori incommodo degeret, superfluis, Natura jam Victrice, ipsum onerare noluit medicamentis.

XXXVIII. *Acribus* interdictum fuit *cibis*; Tales enim in hisce morbis exhibiti per quascunque eant vias non suam exunt acredinem, sed ejusdem remanentis testem certissimum, ipsum nimirum Ægrum ob dolores auctos ejulantem, producunt. Nec id solum præstant ante assumptionem acria, *sed* & quæ aliàs non acria ab obviis in corpore vel acrimoniam contrahunt, vel ob antea pressas ac subjugatas acres portiones nunc liberatas exerunt, ac punitionem rofionem exercent. *Cur Vinum acidum* à mensa relegatum, ne causa augeretur, dolor intenderetur facile patet. Meminit *B. Ettmull. Med. Hipp. cap. 3. §. 5.* Mulieris dysuriæ subinde obnoxix, cujus paroxysmus tam ab *aceti* quam *vini* usu subito recrudescit, *Oleo amygdalarum dulcium cum lapidibus 69 & Percarum* denuò sopiendus. *Potus ordinarius ex Hordeo*, ob causam supra dictam, *semine fœniculi*, ob acres oleosas, tenues partes stomacho, nervis, sanguini, spiritibus amicas, acido inimicas, *Ebore* ob terreas, laxitatem emendantes, absorbentes (decoctum enim nonnihil ∇ æ communicat) paratus fuit.

Et hæc de Resolutione Hujus Casus.

DEO TRIINI VERO SALUTIS FONTI SIT
LAUS HONOR ET GLORIA.

